



Inatsisartunut ilaasortaq
Pele Broberg, Naleraq.

Ulloq: 25-07-2023
Suliap normua: 2023 - 3503
All. nr.: 23219597

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

§ 37 naapertorlugu apeqqummut nr. 121 / 2023-mut akissuteqaat

Inatsisartut suleriaasianni § 37-mi imm. 1 naapertorlugu aalisarneq pillugu inatsimmik suliaqarneq pillugu Naalakkersuisunut apeqquteqarsimavutit. Apeqqut uannit akineqartussanngorlugu innersuunneqarnikuuvoq.

Apeqqut: Suliami Naalakkersuisut isumaqatiginninnialersimallutillu aalisarneq pillugu inatsisissaq pillugu tusarniaasimappat?

Tungavilersuutit: Aalisarneq pillugu inatsisissap oqaloqatigiissutigineqarneranut Naleraq qaaqqusaammat, tamatumani pingaarnersiukkatut sallituitavut saqqummiuppavut, tamanna isumaqatiginninniarnernunngitsoq Naalakkersuisulli aasap ingerlanerani aalisarneq pillugu inatsisissamik tusarniaasoqarumaartoq ilisimatinneqarpugut. Isumaqatiginninniarnernut qaaqquneqarani tamannali inuiaqatigiinnut pingaaruteqaqimmat Naalakkersuisut pingaarnersiunerat aamma aalisarneq pillugu inatsisissamut aalajangiiniarnissaat pingaarutilerujussuuvoq taamaattumillu killiffik sumiinnersoq paaserusuppara. Taamaammat ullut suliffiusut qulit iluanni akissutiserusuppunga.

Akissut:

Aalisarneq pillugu inatsisissaq sapinngisamik amerlanerpaanit qajannaatsumillu amerlanerussuteqarnikkut tapersersorneqarnissaa Naalakkersuisut kissaatigaat, taamaalilluni sapinngisamik inatsisitigut akuerisatut inuiaqatigiittut taakkunanilu inuussutissarsiuteqartunut pineqartunut tatigisaasumik inatsimmi tassani tungaviit siunissami sivisuumik attannissaat pisinnaaqullugu.

Tamanna tungavigalugu aalisarneq pillugu inatsisissami tungaviit pillugit naalakkersuinermik suliaqartut isumaqatigiissusiornissaannut siuttunngorsimavunga. Inatsisartuni partiit isumaqatigiissummut tassunga peqataalissasut neriuutigisorujussuura.

Isumaqatigiissusiornermik suliaq aallartinneqareerpoq. Aallarniutigalugu siullermeersumik tusarniaasoqarpoq - soorlu Inatsisartuni ilaasortap Pele Brobergip oqaatigereeraa - tamatumani partiit tamarmik inatsisissami nutaami immikkoortut suut ilanngutissallugit pingaarnernerunersut pillugit isummaminnik saqqummiinissaminnik periarfissinneqarput.

Isummersuutitut pissarsiannut iluarisimaarinneqaanga tamannalu tunngavigalugu suliami ingerlariaqqinnissaq aallartissimavara, tassalu partiinik isumaqatiginninniarnert. Taamatut isumaqatiginninniarnert aallartinneqareerput soorunalimi immikkoortut pillugit partiillu isumaat aallaavigalugit, naliliissutitullu takusinnaasakka eqqarsaatigalugit kissaatigisattut tapersersorneqarsinnaaneq isiginiarlugu isumaqatigiissusiorsinnaanissaq taperserneqarsinnaasunngorlugu ingerlappara.

Isumaqatiginninniarnerni piffissat sulinngiffeqarfiit atukkavut eqqarsaatigisariaqarsimavakka taamaattumillu siuariartornissaq killeqarsimavoq, ingammik julip qaammataani. Taamaattorli aggustusip qaammataata ingerlanerani partiinik tamanik isumaqatiginninniarnissanut aggersaasinnaanissara naatsorsuutigaara.

Inussiarnersumik inuulluaqqusillunga

Karl Tobiassen

Aalisarnermut Piniarnermullu Naalakkersuisoq